



19. maj 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

- 1. Atorfimmut atasumik ineqartitaasarneq pillugu aqqissuusseqqinnissami imarisaa pillugu Naalakkersuisut paasissutissiisinnaappat?**
- 2. Naalakkersuisut paasissutissiisinnaappat, qanoq isumaqarnerseq Naalakkersuisut oqarpata, isumaqatigiissutit isiginiarneqartariaqartut, tassani naligiinnerusumik sulinissaq anguniarlugu?**
- 3. Assartuussinermut akit qaffakkaluttuinnartut soorlu assersuutigalugu peqqinnissaqarfimmi sulisunik pissarsiniarnermut sunniuteqassava, tassami ukiumut sulilernermi- soraarnermilu angalanerinnarnut marlunnik kisitsisitalinnik millioninik ukiumut akiliisaratta?<sup>1</sup>**

(Inatsisartunut ilaasortaq Anna Wangenheim, Demokraatit)

**Tunngavilersuut**

Aningaasanut naligiissitaanermullu Naalakkersuisut pingasunngorneq 4. maj 2022 apeqqarissaarfigineqarnerani erserpoq, Naalakkersuisut ineqarnermut aqqissuusseqqiinnissamik suliaqartoq, tassanilu aamma atorfirmut atasumik ineqartitaasarnerup aqqissuuteqqinnissaq ilaasoq.

Taamaattumik Aningaasaqarnermut naligiissitaanermullu Naalakkersuisup apeqqut Ineqarnermut Attaveqaaqatigiinnermullu Naalakkersuisumut innersuuppaa. Atorfimmut atasumik ineqartitaasarneq immikkuullarissutut oqaatigineqarsinnaammat, aammali arlalippassuariarluni, pisariaqartarmat sulisussarsiornermi piunasaqaataasutut taamaattumillu paasissallugu soqutigaara, Naalakkersuisut tassunga tunngasumut ersarissumik sunik suliniuteqarnerisut.

Taassuma saniatigut eqqaaneqarpoq, Aningaasaqarnermut Naligiissitaanermullu Naalakkersuisup isumaqatigiissutinut tunngasut misissuataalerai takuniarlugu eqimattat suut, allanit pitsaanerusunik atugassaqartitaanersut. Soorunami aamma paaserusulerpara taanna aamma sumut tunngassuteqarnerseq.

Nunarsuarmi pisut, COVID-19 aamma Ukrainep Ruslandillu akornanni sorsunneq, aningaasaqarnermut tamakkiisumut annertuumik sunnerneqarpoq. Taamaattumik soqutigaara paasissallugu, assartuussinermut akit qaffakkiartortut qanoq avataaniit sulisussarsiornermut sunniuteqarnerisut, aningaasarpassuarnimmi atuisareeratta, naatsorsuutigalugulu akinut ilutigalugu qaffannissaat.

Isumaqatigiissutit amerlasuut sulilernermit- aamma soraarnermi angalanermit, aammalu atorfininnermi pisattat nussunnerinut akiliunneqarnerisamik periarfissiippat. Taamaattumik annilaangassutigaara, tamanna

<sup>1</sup> [https://ina.gl/documents/para3637/2020/svar/019\\_2020\\_Arbeidsmiljoe\\_SHV\\_ANWA\\_svar.pdf](https://ina.gl/documents/para3637/2020/svar/019_2020_Arbeidsmiljoe_SHV_ANWA_svar.pdf)



DEMOKRAATIT  
DEMOKRATERNE

peqqinnissaqarfimmi assannik kissalaartuni peqarnitsinnut sunniisinnaanera innuttatsinnut napparsimasuutitsinnullu paaqqutarinninnermut- passussinermullu periarfissanik ajorseriarnermik annertuumik kinguneqarsinnaanera. Suliffeqarfippassuit allat aamma, assartuinnermut akit qaffannerisigut atorfinitsitsisarnerat aamma sunnerneqarnissaat ilimanarpoq.

Apeqquteqaatinnut akissutit ullut qulit suliffiusut iluanni akineqarnissaat kissaatigaara.